

Na osnovu člana 51. Statuta Sindikata radnika u zdravstvu u Kantonu Sarajevo broj: 04/2015 od 21.05.2015 godine i broj: 1/16 od 05.01.2016. godine, Skupština Osnovne sindikalne organizacije JU Opća bolnica „prim.dr Abdulah Nakaš“ Sarajevo održana 20.03.2017.godine, donosi

POSLOVNIK O RADU SKUPŠTINE

OSO JU Opća bolnica „prim.dr Abdulah Nakaš“ Sarajevo

Član 1. Poslovníkom o radu Skupštine Osnovne sindikalne organizacije JU Opća bolnica „prim.dr Abdulah Nakaš“ Sarajevo (u daljem tekstu: Skupština) utvrđuje se način rada i druga pitanja značajna za rad Skupštine.

Član 2. U radu Skupštine učestvuju delegati Skupštine.
Skupština broji 50 delegata.

Član 3. Skupštinu otvara i do izbora Radnog predsjedništva Skupštine (u daljem tekstu: Radno predsjedništvo) rukovodi predsjednik Osnovne sindikalne organizacije JU Opća bolnica „prim.dr Abdulah Nakaš“ Sarajevo (u daljem tekstu: OSO JU OBS Prim.drANKS).

Na prijedlog predsjednika OSO JU OBS Prim.drANKS, Skupština bira Radno predsjedništvo od tri člana.

Radno predsjedništvo rukovodi radom Skupštine i po potrebi predlaže Skupštini odgovarajuće odluke i zaključke.

Član 4. Radno predsjedništvo predlaže Skupštini dnevni red Skupštine.

O prijedlogu dnevnog reda otvara se diskusija.

Na osnovu predloženog dnevnog reda i sugestija datih u diskusiji Skupština usvaja dnevni red Skupštine.

Član 5. Skupština može punovažno odlučivati ako joj prisustvuju više od polovine ukupnog broja opunomoćenih delegata sa pravom glasa.

Odluke se donose većinom glasova prisutnih delegata na Skupštini.

Član 6. Skupština bira sljedeće komisije kao radna tijela Skupštine

Komisiju za verifikaciju punomoći delegata od tri člana

Komisiju za izbore od pet članova.

Delegati Skupštine mogu na predloženi sastav radnih tijela Skupštine staviti primjedbe i iznijeti svoje prijedloge o čemu se otvara diskusija.

Nakon diskusije Radno predsjedništvo utvrđuje prijedlog konačnog sastava radnih tijela i stavlja ga na glasanje.

Član 7. Glavni odbor sačinjava šest (6) delegate od kojih dva (2) dolaze sa odjeljenja za Hirurgiju a u nju se ubrajaju svi Hirurški odsjeci I Urgentna medicina, dva (2) delegate sa odjeljenja za Internu medicinu, Neurologiju, Ginekologiju I akušerstvo, anestezijska (hirurška I interna), Fizikalna medicina I rehabilitacija, Radiologija, Biohemisku laboratoriju, Mikrobiologiju, Transfuziju, Patologiju, jedan (1) delegate sa

odjeljenja za pravne, kadrovske i opće poslove, jedan (1) delegate sa odjeljenja za ekonom. – finansijske poslove.

Član 8. Glavni odbor može da razriješi dužnosti delegate ako se ne pojavi više od dva(2) puta na redovnoj sjednici glavnog odbora, tada se upućuje cirkularno pismo delegatima odjeljenja sa kojih je delegat razriješen dužnosti tj. u kojoj skupini pripada.

Član 9. Komisija za verifikaciju punomoći delegata provjerava punomoći delegata i obavještava Skupštinu o tome koliko delegata prisustvuje Skupštini i da li Skupština može punovažno odlučivati.

Član 10. Komisija za izbore prati provođenje izbora, utvrđuje i objavljuje izborne rezultate.

Član 11. Diskusija na Skupštini vodi se usmeno.

Član 12. Delegati se prijavljuju za diskusiju Radnom predsjedništvu predajom prijave za diskusiju.

Predsjedavajući Radnog predsjedništva daje riječ učesnicima u diskusiji po redosljedu prijavljivanja.

Svaki učesnik u raspravi po određenoj tački dnevnog reda može se prijaviti za diskusiju samo jedanput.

Diskusije mogu trajati najviše pet minuta, a Radno predsjedništvo može izuzetno produžiti ovo vrijeme.

Eventualna replika može trajati najviše tri minuta.

Član 13. Radno predsjedništvo može predložiti Skupštini da se učesniku u diskusiji koji se ne pridržava tačke dnevnog reda o kojoj se vodi rasprava oduzme riječ, kao i da se Skupština ogradi od pojedinih diskusija.

Član 14. Poslovnik o svom radu i odluke Skupština usvaja javnim glasanjem. Izbori se provode tajnim glasanjem.

Odluke su punovažne ukoliko se za njih izjasni većina od ukupnog broja prisutnih delegata Skupštine.

Član 15. O primjeni ovog Poslovnika stara se Radno predsjedništvo Skupštine.

Član 16. Poslovnik stupa na snagu njegovim usvajanjem.

Sarajevo, 20.03.2017god.

IZBORNA SKUPŠTINA
OSO JU Opća bolnica "Prim.dr Abdulah Nakaš" Sarajevo